



Broj:01/7-50-1-45/3/07
Sarajevo, 6., 7. i 8.02.2007.

Z A P I S N I K

sa 3. sjednice Komisija za pripremu izbora Vijeća ministara BiH

Sjednica je držana tri dana.

Prvog dana 06.02.2007. godine sjednica je počela u 10,00 sati.

Sjednici su prisustvovali članovi Komisije: **Hadži Jovan Mitrović, Branko Dokić, Sefer Halilović, Vinko Zorić, Mirko Okolić, Zlatko Lagumdžija, Lazar Prodanović, Dragan Vrankić, Azra Alajbegović i Halid Genjac.**

Članovi Komisije **Jerko Ivanković Lijanović i Rifat Dolić** su najavili odsustvo zbog ranije preuzetih obaveza. Jerko Ivanković Lijanović zbog Molitvenog doručka u SAD, a Rifat Dolić zbog ranije planiranog sastanka sa delegacijom iz SAD.

Pored članova komisije sjednici su prisustvovali: u ime OHR-a Maja Ribar; u ime OSCE-a Nina Šandrk i Nataša Šakota.

Sjednici je prisustvovao Milan Zjajić, koji je obavljao poslove sekretara Komisije i Alma Tajić zaposlena u Sekretarijatu PS BiH i student stažista Ajdin Brčaninović.

Član Komisije Vinko Zorić je u znak protesta napustio sjednicu kada su se trebali intervjuisati zamjenici ministara iz hrvatskog naroda. Zlatko Lagumdžija je sjednicu napustio u toku intervjua Safeta Halilovića, dok su Branko Dokić i Azra Alajbegović sjednicu napustili radi drugih obaveza.

Sjednica je završena u 18,30 sati.

Nakon kraće rasprave u kojoj je pored predsjedavajućeg učestvovao Zlatko Lagumdžija, Komisija je jednoglasno prihvatila u pozivu predloženi, sljedeći:

D N E V N I R E D :

1. Verificiranje Zapisnika:
 - a) sa prve sjednice održane 11.01.2007. godine;
 - b) sa druge sjednice održane 30.01.2007. godine.
2. Usvajanje Poslovnika o radu Komisije za pripremu izbora Vijeća ministara BiH;
3. Razmatranje podobnost i davati mišljenja – preporuke za potvrđivanje ministara i zamjenika ministara u Vijeću ministra BiH;
4. Tekuća pitanja.

Ad. 1. Verifikacija Zapisnika sa

a) Prve sjednice održane 11.01.2007. godine i

b) Druge sjednice održane 30.01.2007. godine uz primjedbe koje je iznio Zlatko Lagumdžija da se briše napomena o snimanju, obzirom na odredbe Poslovnika i da se izbrišu kvalifikacije kao što je "protestvujući" i "pomirljivo".

Ad. 2. Razmatranje i usvajanje Poslovnika o radu Komisije za pripremu izbora Vijeća ministara BiH;

Nakon kraće rasprave i primjedbe da se u članu 10. na početku brišu riječi "Uz obostrani pristanak", riječ "može" mijanja rječju "treba" i na kraju riječi: "u cilju potpunije pojašnjenje pojedinih pitanja." Mijenjaju

riječima: "ukoliko je potrebno pojašnjenje pojedinih pitanja". Zatim je Poslovnik jednoglasno uz navedene izmjene usvojen.

Ad. 3. Razmatranje podobnost i davati mišljenja – preporuke za potvrđivanje ministara i zamjenika ministara u Vijeću ministara BiH;

Nakon duže rasprave u kojoj su učestvovali svi članovi Komisije članovi Komisije su se usaglasili u ocijeni da dizajn obrazca izjave nije na dovoljno jasan način naglasio obaveze koje proizilaze iz Zakona o Vijeću ministara BiH.

Komisija je zaključila da je moguće različito razumjevanje nekih pitanja sadržanih u obrascu.

S tim u vezi Komisija je odlučila da skrene pažnju da su je obavezno u obrazac unijeti podatke o štednji i finansijskim interesima u Bosni i Hercegovini, kao i u inostranstvu, za sve imenovane ministre i zamjenike ministara.

Obavezani su da podatke o tome na propisanom obrascu dostaviti Komisiji do 12 sati u četvrtak 08.02.2007. godine.

Vinko Zorić je tražio da se na sjednicu pozove predsjedavajući Vijeća ministara Nikola Špirić i da obrazloži da li je imao saglasnost za imenovanje zamjenika ministara iz hrvatskog naroda i da će, ako on ne dođe na sjednicu, napustiti sjednicu kada se bude raspravljalo o Hrvatima zamjenicima ministara.

Ovu inicijativu je kasnije podržao Hadži Jovan Mitrović navodeći da bi mandataru pitao o poštovanju Ustava BiH prilikom imenovanja ministara i zamjenika ministara.

Zlatko Lagumdžija je tražio, obzirom na usvojeni Poslovnik, da mu se vrati obrazac Izjave Nikole Špirića. To je i učinjeno.

Tek poslije toga se pristupilo pojedinačnom razgovoru i postavljanju pitanja.

Prvi je pristupio **Sredoje Nović, ministar civilnih poslova.**

Izvršen je uvid u pristigle materijale i provedena rasprava, a zatim je imenovani ministar odgovarao na pitanja članova Komisije.

Mirko Okolić ga je pitao da li ima ušteđevinu van banke, kako će komunicirati sa upravnim vlastima u BiH, zdravstvenim ustanovama i kako će riješiti pitanje statusa penzionera u BiH i da li će se smanjiti cijena takse za uvjerenja o prebivalištu na teritoriji BiH ?

Član Komisije Halid Genjac je na početku pitao šta je bilo odlučujuće za njegovu kandidaturu na mjesto Ministra civilnih poslova i koji su njegovi prioriteti u budućem radu?

Azra Alajbegović je pitala da li će podržati osnivanje Zavoda za javno zdravstvo na nivou BiH i šta misli o obaveznom životnom osiguranju kao jednom od načina za rješavanje problema penzionera?

Pitanja Sefera Halilovića su se odnosila na Zakon o azilu, da li će raditi na oduzimanju državljanstva građanima BiH afro-azijskog porijekla, istrajati na harmonizaciji prava entiteta i BiH i na rješavanju problema sa licima koja su dobila državljanstvo BiH, a ne zna se tačno njihovo prebivalište niti boravište ?

Vinko Zorić je pitao o planiranom napretku u izradi putnih isprava kao preduslovu za oslobađanje od viza.

Zlatko Lagumdžija je pitao kako će riješiti problem dvije škole pod istim krovom, i da li će istrajati na usvajanju Zakona o lijekovima, kakav ima odnos prema jedinstvenoj stopi PDV i njenom mogućem uticaju na rad ministarstva civilnih poslova i na kraju o tome šta planira preduzeti u rješavanju problema tkz. Alžirske grupe?

Onda je obavljeno glasanje.

I/1. Komisija je većinom glasova, sa sedam glasova "za" i dva glasa "protiv", utvrdila da **Sredoje Nović** ispunjava sve uslove propisane Zakonom o Vijeću ministara BiH i Poslovnikom Predstavničkog doma Parlamentarne skupštine BiH za imenovanje na dužnost ministra civilnih poslova u Vijeću ministara BiH. Protiv su glasali članovi Komisije Zlatko Lagumdžija i Sefer Halilović, koji su na poziv predsjedavajućeg da u skladu sa Poslovnikom obrazlože razloge glasanja protiv izjavili da će to učiniti naknadno.

I/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Sredoja Novića** za ministra civilnih poslova u Vijeću ministara Bosne i Hercegovine.

Zatim je pristupio **Dragan Vrankić, ministar finansija i trezora.**

Nakon uvida u pristigle materijale, provedene rasprave imenovani ministar je odgovarao na pitanja članova Komisije.

Lazar Prodanović je pitao o diferenciranim stopama PDV-a i problemima vezanim za radnike carine.

Zlatko Lagumdžija ga je pitao da li je za diferenciranu stopu PDV- a ili za jedinstvenu, kao i to da li će biti izvodljivi stand by aranžmani ?

Član Komisije Mirko Okolić pitao je koji su to prioriteti u radu ministarstva finansija i trezora ?

Sefer Halilović je pitao o harmonizaciji propisa, obzirom na razlike u porezima na dohodak između Republike Srpske i Federacije BiH, viziji bankarskog sistema sa osvrtom na potenciranje domaćih kapaciteta, vraćanju finansijske policije i opterećenošću sivom ekonomijom.

Halid Genjac se interesovao za dinamiku predlaganja i donošenja Budžeta kao i na dosadašnju praksu da Vijeće ministara bez Parlamentarne skupštine vrši transfer sredstava sa jedne na drugu stavku u budžetu.

Azra Alajbegović je pitala šta će i da li će poduzeti nešto na uspostavi Državne agencije za bankarstvo.

Onda je obavljeno glasanje.

II/1. Komisija je većinom glasova, sa šest glasova "za", dva glasa "protiv" i jednim glasom "suzdržan", utvrdila da **Dragan Vrankić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra finansija i trezora u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

II/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Dragana Vrankića** za ministra finansija i trezora u Vijeću ministara Bosne i Hercegovine.

Zatim je pristupio **Fuad Kasumović, zamjenik ministra finansija i trezora.**

Nakon uvida u pristigle materijale, provedene rasprave imenovani zamjenik ministra je odgovarao na pitanja članova Komisije.

Lazar Prodanović je pitao o iznosu dividende u privatnom preduzeću i da li ono posluje sa javnim ustanovama i preduzećima.

Član Komisije Zlatko Lagumdžija ga je pitao da li aktivno govori Engleski jezik, kako on vidi budućnost Fiskalnog vijeća, te da li je za nultu stopu PDV-a?

Halid Genjac je pitao isto pitanje kao i ministra, vezano za transfer sredstava sa jedne na drugu stavku budžeta bez PS BiH.

Na kraju intervjuja član Komisije Sefer Halilović pitao ga je pod kojim uslovima je bio imenovan na mjesto direktora direkcije za indirektno oporezivanje, i okolnostima pod kojima je drugo lice imenovano na tu funkciju ?

Onda je obavljeno glasanje.

III/1. Komisija je većinom glasova, s pet glasova "za" i četiri glasa "protiv", utvrdila da **Fuad Kasumović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra finansija i trezora u Vijeću ministara BiH. Protiv su glasali članovi Komisije: Hadži Jovan Mitrović, Zlatko Lagumdžija, Mirko Okolić i Sefer Halilović.

III/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Fuada Kasumovića** za zamjenika ministra finansija i trezora u Vijeću ministara Bosne i Hercegovine.

Vinko Zorić je podsjetio na svoj zahtjev i kako se predsjedavajući Nikola Špirić nije u međuvremenu pojavio napustio je sjednicu ističući da glasa za potvrđivanje Safeta Halilovića, a da će se i u toku sutrašnjeg rada Komisije isto ponašati, ako ne dobije odgovor na postavljeno pitanje.

Zatim je pristupila **Marina Pendeš, zamjenik ministra odbrane za upravljanje resursima.**

Nakon uvida u pristigle materijale, provedene rasprave imenovana na poziciju zamjenika ministra je odgovarala na pitanja članova Komisije.

Lazar Prodanović je pitao o tome kada misli da će BiH biti primljena u NATO i kakav je njen stav o učešću BiH u mirovnim misijama.

Sefer Halilović je nju pitao gdje je potrošeno 13,6 miliona nenamjenske potrošnje oružanih snaga BiH, kao i to da li je pješadijsko naoružanje prodato ili donirano Afganistanu, šta će Ministarstvo učiniti ukoliko susjedne zemlje ne budu poštovale ugovor o smanjenju naoružanja i šta su, po njoj, prioriteti odbrane BiH ?

Član Komisije Mirko Okolić je na kraju razgovora nju pitao da li će doći do rekunstrukcije objekata oružanih snaga BiH ?

Onda se pristupilo glasanju.

IV/1. Komisija je većinom glasova, s četiri glasa "za" i tri glasa "protiv", utvrdila da **Marina Pendeš** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra odbrane za upravljanje resursima u Vijeću ministara BiH. Protiv su glasali članovi Komisije: Hadži Jovan Mitrović, Zlatko Lagumdžija i Sefer Halilović.

IV/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Marine Pendeš** za zamjenika ministra odbrane za upravljanje resursima u Vijeću ministara Bosne i Hercegovine.

Zatim je pristupio **Safet Halilović, ministar za ljudska prava i izbjeglice.**

Nakon uvida u pristigle materijale, provedene rasprave imenovani ministar je odgovarao na pitanja članova Komisije.

Na početku intervjua član komisije Halid Genjac pitao ga je koji su to prioriteti u radu Ministarstva za ljudska prava i izbjeglice?

Zlatko Lagumdžija pitao je pitao o visini plate, obzirom na različite podatke nekolicine aktuelnih ministara, zatim o planu za rješavanje decertifikovanih policajaca i da li ima prijedlog rješenja problema u vezi sa Alžirskom grupom i njihovim obeštećenjem.

Slijedeći ga je pitao član Komisije Mirko Okolić kako vidi rješenje problema Kotorskog kod Doboja?

Sefer Halilović pitao ga je da li će raditi na usklađivanju kantonalnih i entitetskih zakona iz područja socijalne pomoći, zdravstva, kao i uopšte poboljšanja socijalnog statusa izbjeglica i raseljenih?

Član Komisije Lazar Prodanović ga je pitao kako gleda na činjenicu da je BiH izuzetno nisko na ljestvici u pogledu poštivanja ljudskih prava, kako se može građanima osigurati pravo na rad i na kraju ga je pitao za njegov stav o primjeni Sporazuma o dvojnomo državljanstvu između BiH i Srbije?

Prije nego što se pristupilo glasanju Zlatko Lagumdžija je napustio sjednicu i tom prilikom istakao da glasa protiv potvrđivanja Safeta Halilovića.

Onda se pristupilo glasanju.

V/1. Komisija je većinom glasova, s pet glasova "za", dva glasa "protiv" i jednim "suzdržanim", utvrdila da **Safet Halilović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra za ljudska prava i izbjeglice u Vijeću ministara BiH. Protiv su glasali članovi Komisije Sefer Halilović i Zlatko Lagumdžija.

V/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Safeta Halilovića** za ministra za ljudska prava i izbjeglice u Vijeću ministara Bosne i Hercegovine.

Zatim je pristupio **Slavko Marin, zamjenik ministra za ljudska prava i izbjeglice.**

Nakon uvida u pristigle materijale, provedene rasprave imenovani zamjenik ministra je odgovarao na pitanja članova Komisije.

Halid Genjac je pitao o namjerama rješavanja boračkih pitanja povratnika, a Lazar Prodanović upitao ga je da li zna tačan broj odluka Doma za ljudska prava.

VI/1. Komisija je većinom glasova, s četiri glasa "za", jednim glasom "protiv" i dva "suzdržana", utvrdila da **Slavko Marin** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra za ljudska prava i izbjeglice u Vijeću ministara BiH. Protiv je glasao član Komisije Sefer Halilović.

VI/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Slavka Marina** za zamjenika ministra za ljudska prava i izbjeglice u Vijeću ministara Bosne i Hercegovine.

U 18,30 sati predsjedavajući Genjac je prekinu sjednicu najavivši nastavak rada za sutra, 7.02.2007. godine u 10,00 sati.

Dana 07.02.2007. godine sjednica je počela u 10,00 sati.

Sjednici su prisustvovali svi članovi Komisije: **Rifat Dolić, Hadži Jovan Mitrović, Branko Dokić, Sefer Halilović, Vinko Zorić, Mirko Okolić, Jerko Ivanković Lijanović, Zlatko Lagumdžija, Lazar Prodanović, Dragan Vrankić, Azra Alajbegović i Halid Genjac.**

Prvi je pristupio **Bariša Čolak, ministar pravde.**

Nakon uvida u pristigle materijale, provedene rasprave imenovani ministar je odgovarao na pitanja članova Komisije.

Na početku intervjua član Komisije Rifat Dolić je pitao o odnosu izvršne i zakonodavne vlasti, vezi – sprezi kriminala i sudova i šta planira učiniti na promjeni lošeg imidža BiH ?

Zatim je Vinko Zorić ga pitao kako on vidi prevazilaženje problema lošeg odnosa Vijeća ministara prema Parlamentarnoj skupštini BiH, šta misli o amnestiranju počinitelja krivičnih djela na teritoriji BiH, kao i kakvo je njegovo mišljenje o izmjeni i dopuni zakona o sukobu interesa?

Hadži Jovan Mitrović se pridružio zahtjevu Vinka Zorića za dolazak predsjedavajućeg Nikole Špirića na sjednicu, a zatim je Barišu Čolaka pitao za suđenje licima osumnjičenih za ratne zločine ni po mjestu prebivališta niti po teritorijalnoj nadležnosti i je li po njemu legitiman Sporazuma između Tuzlanskog kantona i Srbije?

Član komisije Mirko Okolić pitao ga je kako misli riješiti problem Kotorskog sa aspekta Ministarstva pravde?

Zlatko Lagumdžija pitao ga je šta misli o ustavnim reformama sa aspekta učešća Ministarstva pravde u njima, kako će se boriti protiv korupcije, koje je njegovo mišljenje o problemu Alžirske grupe, i da li je za donošenje Zakona o oduzimanju nelegalno stečene imovine?

Jerko Lijanović Ivanković je pitao o mogućnosti da se sudski sporovi između preduzeća rješavaju brže i po principu prioriteta, jer bi to poboljšalo poslovanje i stvorilo povoljniji poslovni ambijent za strana ulaganja.

Sefer Halilović pitao ga je za Zakon o amnestiji i da li je postojeća legislativa sposobna da se obračuna sa rastućim kriminalom i korupcijom i šta će se preduzimati na prevazilaženju neadekvatne kaznene politike spram teških krivičnih djela?

Član komisije Halid Genjac ga je pitao o vezi sa problemom primjene Sporazuma sa R Hrvatskom u pogledu ograničenja na pripadnike HVO-a koji nemaju hrvatsko državljanstvo i da li će pokušati aneksima to doraditi, a na kraju intervjua ga je pitao kako misli unaprijediti nomotehničku strukturu zakona iz nadležnosti Ministarstva pravde.

Onda se pristupilo glasanju.

VII/1. Komisija je većinom glasova, sa osam glasova "za", dva glasa "protiv" i jednim glasom "suzdržanim", utvrdila da **Bariša Čolak** ispunjava sve uslove propisane Zakonom o Vijeću ministara BiH i Poslovnikom Predstavničkog doma Parlamentarne skupštine BiH za imenovanje na dužnost ministra pravde u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

VII/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Bariše Čolaka** za ministra pravde u Vijeću ministara Bosne i Hercegovine.

Zatim je pristupio **Srdan Arnaut, zamjenik ministra pravde.**

Nakon uvida u pristigle materijale, provedene rasprave imenovani zamjenik ministra je odgovarao na pitanja članova Komisije.

Lazar Prodanović je pitao za mišljenje o reformi pravosuđa, a Rifat Dolić pitao ga je kako gleda na odnos zakonodavne i izvršne vlasti, i šta misli o čestom miješanju izvršne vlasti u rad zakonodavne vlasti?

Onda se pristupilo glasanju.

VIII/1. Komisija je većinom glasova, s osam glasova "za", bez glasova "protiv" i jednim glasom "suzdržanim", utvrdila da **Srdan Arnaut** ispunjava sve uslove propisane Zakonom o Vijeću ministara BiH i Poslovnikom Predstavničkog doma Parlamentarne skupštine BiH za imenovanje na dužnost zamjenika ministra pravde u Vijeću ministara BiH.

VIII/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Srdana Arnauta** za zamjenika ministra pravde u Vijeću ministara Bosne i Hercegovine.

Zatim je pristupio **Tarik Sadović, ministar sigurnosti.**

Nakon uvida u pristigle materijale, provedene rasprave imenovani ministar je odgovarao na pitanja članova Komisije.

Najprije ga Lazar Prodanović pitao da li je ministar iz Republike Srpske ?

Mirko Okolić pitao ga je koja su to tri prioriteta u radu ministarstva i koji su načini da se poboljša rad SIPE, kadrovski i funkcionalno ?

Rifat Dolić pitao ga je za sigurnost građana i imovine u BiH, kao i to da li su mu poznate kvalifikacije ljudi zaposlenih u njegovom ministarstvu?

Zlatko Lagumdžija je pitao o tome da li treba nastaviti istinsku reformu policije ili samo zadovoljenje zahtjeva međunarodne zajednice, kako mišljenje ima o Zakonu o oduzimanju nelegalno stečene imovine i da li će se zauzimati da svi uposleni u policijskim strukturama budu zaštićeni kada savjesno obavljaju svoj rad?

Član komisije Hadži Jovan Mitrović pitao ga je kako gleda na budućnost reforme policije u BiH?

Vinko Zorić pitao ga je kako misli učiniti sigurnijim život građana u FBiH?

Sefer Halilović pitao ga je kako će riješiti problem sa ilegalnim graničnim prijelazima u BiH i ubistvima povratnika?

Na kraju intervjuja pitao ga je član Komisije Zlatko Lagumdžija koji su planovi u radu Ministarstva pravde?

Onda se pristupilo glasanju.

IX/1. Komisija je većinom glasova, sa sedam glasova "za", dva glasa "protiv" i dva "suzdržana", utvrdila da **Tarik Sadović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra sigurnosti u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

IX/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Tarika Sadovića** za ministra sigurnosti u Savjet ministara Bosne i Hercegovine.

Zatim je pristupio **Mijo Krešić, zamjenik ministra sigurnosti**.

Nakon uvida u pristigle materijale, provedene rasprave imenovani zamjenik ministra je odgovarao na pitanja članova Komisije.

Hadži Jovan Mitrović pitao ga je kako ustrojiti policiju u BiH tako da bude u interesu sva tri naroda?

Mirko Okolić pitao ga je šta misli o međuentitetskoj saradnji policije?

Onda se pristupilo glasanju.

X/1. Komisija je većinom glasova, sa šest glasova "za", jednim glasom "protiv" i dva "ssuzdržana", utvrdila da **Mijo Krešić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra sigurnosti u Vijeću ministara BiH. Protiv je glasao član Komisije Hadži Jovan Mitrović.

X/2. Komisija preporučila Predstavničkom domu Parlamentarne skupštine Bosne i Hercegovine da potvrdi imenovanje **Mije Krešića** za zamjenika ministra sigurnosti u Vijeću ministara Bosne i Hercegovine.

Zatim je pristupio **Slobodan Puhalc, ministar vanjske trgovine i ekonomskih odnosa**.

Nakon uvida u pristigle materijale, provedene rasprave imenovani ministar je odgovarao na pitanja članova Komisije.

Jerko Ivanković-Lijanović pitao ga je kako riješiti problem deficita BiH iz predhodnog perioda, kao i kaka je njegov plan po pitanju unaprijeđenja izvoza bh. Kompanija?

Rifat Dolić ga je pitao kako misli zaštititi ekonomiju BiH i hoće li pomoći u rješavanju pitanja Agrokomerca?

Umjesto pitanja Branko Dokić je iznio da je su dugogodišnji poznanici da da imenovani ministar ima njegovu punu podršku.

Sefer Halilović pitao ga je kako će Ministarstvo uravnotežiti bilans poslovanja i da li će izvršiti reviziju ugovora o slobodnoj trgovini koji štete privredi BiH?

Zlatko Lagumdžija je tražio pojašnjenje vezano za rad i vrijednost privatne firme, kakav je odnos kandidata prema stimulisanju domaće proizvodnje i da li će planirati uspostavljanje institucije za certificiranje domaćih proizvoda.

Azra Alajbegović je pitala da li bi potrošačka svijest mogla koristiti u smanjenju vanjsko trgovinskog debalansa?

Onda se pristupilo glasanju.

XI/1. Komisija je većinom glasova, s osam glasova "za" i dva glasa "protiv", utvrdila da **Slobodan Puhalc** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra vanjske trgovine i ekonomskih odnosa u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

XI/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Slobodana Puhalc** za ministra vanjske trgovine i ekonomskih odnosa u Vijeću ministara Bosne i Hercegovine.

Zatim je pristupio **Vilim Primorac, zamjenik ministra vanjske trgovine i ekonomskih odnosa**.

Nakon uvida u pristigle materijale, provedene rasprave imenovani zamjenik ministra je odgovarao na pitanja članova Komisije.

Jerko Ivanković Lijanović ga je pitao o planovima djelovanja na uravnoteđenju vanjsko trgovinskog deficita i posebno debalansa u razmjeni sa susjedima.

XII/1. Komisija je većinom glasova, sa šest glasova "za", dva glasa "protiv" i jednim glasom "ssuzdržan", utvrdila da **Vilim Primorac** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra vanjske trgovine i ekonomskih odnosa u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

XII/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Vilima Primorca** za zamjenika ministra vanjske trgovine i ekonomskih odnosa u Vijeću ministara Bosne i Hercegovine.

Zatim je pristupio **Božo Ljubić, ministar komunikacija i prometa.**

Nakon uvida u pristigle materijale, provedene rasprave imenovani ministar odgovarao na pitanja članova Komisije.

Rifat Dolić pitao ga je kako gledas na odnos zakonodavne i izvršne vlasti, putu kod Neuma, uvezivanju krajine, izgradnji auto cesta u Republici Srpskoj, domaćim ili stranim izvođačima radova i koncesijama ?

Zlatko Lagumdžija pitao ga je o Agenciji za informaciono društvo i gdje je mjesto i uloga CIPS-a u budućim projektima ovog Minisarstva, o prioritetima i koridorima, načinu uspostave RTV servisa, telekomunikacijama i radu digitalnog foruma i načinu izgradnje jadransko Jonske ceste?

Član Komisije Mirko Okolić pitao ga je da li može doći do skraćanja roka izgradnje autoputa 5-C, kao i da li će te raditi na uvezivanju heliodroma BiH na Evropsku mapu heliodroma?

Onda se pristupilo glasanju.

XIII/1. Komisija je većinom glasova, s devet glasova "za", bez glasova "protiv" i jednim glasom "suzdržan", utvrdila da **Božo Ljubić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra komunikacija i prometa u Vijeću ministara BiH.

XIII/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Bože Ljubića** za ministra komunikacija i prometa u Vijeću ministara Bosne i Hercegovine.

U 15,40 sati predsjedavajući Genjac je prekinu sjednicu najavivši nastavak rada za sutra, 8.02.2007. godine u 17,00 sati.

Trećeg dana 08.02.2007. godine sjednica je počela u 17,00 sati.

Sjednici su prisustvovali svi članovi Komisije: **Rifat Dolić, Hadži Jovan Mitrović, Branko Dokić, Sefer Halilović, Vinko Zorić, Mirko Okolić, Jerko Ivanković Lijanović, Zlatko Lagumdžija, Lazar Prodanović, Dragan Vrankić, Azra Alajbegović i Halid Genjac.**

Pristupio je **Sven Alkalaj, ministar vanjskih poslova.**

Nakon uvida u pristigle materijale, provedene rasprave imenovani ministar je odgovarao na pitanja članova Komisije.

Rifat Dolić pitao ga je kako vidi saradnju Parlamentarne skupštine i Vijeća ministara, kako će riješiti problem da su naši diplomatski predstavnici isključivo prestavnici naroda i stranaka kojim pripadaju, kao i kad BiH vidi u EU i NATO-u, koji su to kriteriji za otvaranje diplomatskog predstavništva u nekoj zemlji i kako povezati mlade iz BiH koji se nalaze na školovanju u inostranstvu?

Lazar Prodanović pitao ga je da li je upoznat sa obrazovnim stepenom BiH ambasadora, kako će ambasadori BiH biti podređeni ministarstvu, te kako će unaprijediti rad Komisije za vanjsku politiku?

Branko Dokić je ukazao na problem da naše diplomatsko osoblje nedovoljno poznaje strane jezike.

Jerko Ivanković Lijanović je pitao o mogućnosti za formiranje ekonomskih odjela pri DKP mreži u cilju promocije BH proizvoda i poboljšanju izvoza.

Mirko Okolić ga je pitao kako će se odraziti presuda Međunarodnog suda pravde u Hagu na odnose sa susjednim državama?

Vinko Zorić pitao ga je kako pomoći poslanicima i drugim političarima prilikom boravka u inostranstvu?

Halid Genjac pitao je šta će se raditi na tome da naše diplomete i osoblje imaju valjane i blagovremene instrukcije i razmišlja li se o otvaranju novih ambasada?

Onda su članovi Komisije glasali.

XIV/1. Komisija je većinom glasova, sa devet glasova "za", bez glasova "protiv" i jednim "suzdržanim" utvrdila da **Sven Alkalaj** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra vanjskih poslova u Vijeću ministara BiH.

XIV/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Svena Alkalaja** za ministra vanjskih poslova u Vijeću ministara Bosne i Hercegovine.

Zatim je pristupila **Ana Trišić-Babić, zamjenik ministra vanjskih poslova.**

Nakon uvida u pristigle materijale, provedene rasprave imenovana na poziciju zamjenika ministra je odgovarala na pitanja članova Komisije.

Jerko Lijanović Ivanković je pitao o planovima da BH diplomatija postane više ekonomska diplomatija.

Vinko Zorić je pitao o mogućnosti za produženje diplomatske vize.

Halid Genjac je pitao strateškim pravcima razvoja DKP mreže.

Azra Alajbegović je pitala gdje se vadi viza za Južnoafričku Republiku.

Dragan Vrankić je pitao da li će, obzirom na iznešene planove trebati dodatna sredstva.

Onda su članovi Komisije glasali.

XV/1. Komisija je jednoglasno, sa devet glasova "za" utvrdila da **Ana Trišić-Babić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra vanjskih poslova u Vijeću ministara BiH.

XV/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Ane Trišić-Babić** za zamjenika ministra vanjskih poslova u Vijeću ministara Bosne i Hercegovine.

Na kraju je pristupio **Selmo Cikotić, ministar odbrane.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije.

Hadži Jovan Mitrović pitao ga je kako vidi organizaciju BiH sa aspekta oružanih snaga BiH?

Član Komisije Lazar Prodanović pitao ga je da li će za vrijeme ovog mandata BiH postati članica NATO-a?

Jerko Ivanković- Lijanović pitao ga je da li su oružane snage BiH spremne da brane suverenitet i teritorijalni integritet BiH u slučaju napada susjednih zemalja?

Mirko Okolić pitao ga je da li je bolje da Ministarstvo odbrane vodi profesionalac ili političar?

XVI/1. Komisija je većinom glasova, sa šest glasova "za", jednim glasom "protiv" i jednim "suzdržanim", utvrdila da **Selmo Cikotić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra odbrane u Vijeću ministara BiH. Protiv je glasao član Komisije Hadži Jovan Mitrović.

XVI/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Selme Cikotića** za ministra odbrane u Vijeću ministara Bosne i Hercegovine.

Članovi Komisije koji su glasali protiv potvrđivanja pojedinih ministara ili zamjenika ministara su pozvani da daju obrazloženje takvog stava.

Zlatko Lagumdžija je na početku drugog nastavka 3. sjednice izjavio da u znak protesta na, od strane Kolegija u proširenom sastavu, predloženo članstvu u komisijama Predstavničkog doma, a prije svega činjenicu da Klubu SDP, četvrtom po brojnosti poslanika, nije omogućeno da ima predstavnika u Ustavno-pravnoj komisiji Predstavničkog doma, napušta sjednicu Komisije za pripremu izbora članova Vijeća ministara BiH i u znak protesta odbija priložiti pripremljeno pismeno obrazloženje svojih razloga za glasanje protiv podrške na sjednicama ove Komisije.

Sefer Halilović je izjavio da je glasao protiv zbog neprincipijalne koalicije na kojoj je formirana vlast u Bosni i Hercegovini.

Mirko Okolić je izjavio da će na sjednici Predstavničkog doma iznijeti svoje razloge za glasanje protiv.

Hadži Jovan Mitrović je u priloženoj pismenoj izjavi istakao da je za tri zamjenika ministra i jednog ministra glasao protiv iz razloga što se radi o licima koja su direktni učesnici u ratu 92. – 95. god. i da ta lica ne mogu odgovoriti zadatku na datim pozicijama u budućim značajnim reformama za koje je neophodno dosta kompromisa, kako bi se došlo do funkcionalne države na zadovoljstvo sva tri naroda

Cijeneći navedeno, Komisija je konstatirala da su svi imenovani ministri i zamjenici ministara u Vijeću ministara BiH dobili podršku za imenovanje, što znači da se to odnosi i na imenovanje dva zamjenika predsjedavajućeg Vijeća ministara BiH.

Za izvjestioca na sjednici Predstavničkog doma imenovan je predsjedavajući Komisije Halid Genjac.

Ad. 4. Tekuća pitanja.

Kako nije bilo drugih pitanja predsjedavajući je u 20,45 sati zaključio sjednicu. Uz napomenu da je moguće da predsjedavajući dopuni Odluku sa imenima kandidata koji su prošli provjere i da članovi Komisije budu pripravnici da održe sjednicu u 9,30 sati.

Napomena: *Sastavni dio ovog Zapisnika je i neautorizovani transkript koji sačinjava Zajednička služba PS BiH.*

SEKRETAR KOMISIJE
Milan Zjajić

PREDSJEDAVAJUĆI KOMISIJE
Halid Genjac